

ARION BANKI HF.

A3 | 90 / 100

A1 - A3	B1 - B3	C1 - C3	D
Framúrskarandi	Gott	Miðlungs	Slakt


EINKUNN

Arion banki hf. fær framúrskarandi einkunn í UFS mati Reitunar með 90 stig af 100 mögulegum. Endar bankinn í flokki A3.


UFS NIÐURSTÖÐUR

	Vægi	Stig	Einkunn
Umhverfisþættir	11.0%	92	A2
E.1 Visthagkvæmni	5.0%	94	A2
E.2 Umhverfisstjórnun	6.0%	90	A3
Félagsþættir	25.0%	94	A2
S.1 Vinnuumhverfi	7.0%	94	A2
S.2 Velferð starfsfólks og viðskiptaánægja	18.0%	94	A2
Stjórnarþættir	64.0%	87	A3
G.1 Almennir stjórnarþættir	9.0%	98	A1
G.2 Starfshættir og aðfangakeðja	23.5%	91	A3
G.3 Vörur og þjónusta	31.5%	82	B1

SAMANBURÐUR



UFS EINKUNNADREIFING



STUTT SAMANTEKT Á NIÐURSTÖÐUM

Arion banki stendur sig framúrskarandi vel í UFS mati Reitunar og vinnur áfram ötullega að málaflokknum. Sjálfbærniáhætta er formlega skilgreind sem hluti af áhættuvilja bankans og bankinn hefur framkvæmt loftslagstengt áhættumat á rekstrinum út frá TCFD. Jákvætt er að aðkoma stjórnar og stjórnenda að sjálfbærnitengdum málefnum er virk. Starfandi er sjálfbærniáhættunefnd sem heyrir undir bankastjóra sem er jafnframt formaður nefndarinnar. Hlutverk nefndarinnar er að hafa eftirlit með sjálfbærnimálum og markmiðum bankans. Mikilvægur þáttur fyrir fjármálafyrirtæki er innleiðing á UFS þáttum í eignastýringa- og lánastarfsemi og vinnur bankinn þar vel. Bankinn hefur skuldbundið sig að vinna eftir viðmiðum Sameinuðu þjóðanna um ábyrga bankastarfsemi (e. UN PRB) og er þátttakandi í PCAF, loftslagsmæli fyrir fjármálafyrirtæki. Bankinn gaf nú á dögum út sína fyrstu skýrslu um fjármagnaðan útblástur. Um mitt ár 2021 birti bankinn græna fjármálaumgjörð og hefur síðan þá farið í fjórar grænar skuldabréfaútgáfur. Bankinn birtir árlega skýrslu um áhrif og ráðstöfun fjármagns skuldabréfanna. Arion banki hefur lagt undanfarin ár aukna áherslu á vöru- og þjónustuframboð sitt og náð þar árangri. Grænn innlánsreikningur bankans hefur hlotið góðar viðtökur og bankinn hefur birt áhrifaskýrslu tengt honum. Einnig býður bankinn upp á græn bílalan, íbúðalán og fyrirtækjalán. Stefnir, dótturfélag bankans, hefur frá árinu 2021 stofnað fjóra sjálfbæra sjóði. Tryggingafélagið Vörður, dótturfélag bankans, stefnir að því að auka við sjálfbært vöruframboð á næstu árum og eru mikil tækifæri þar í samstarfi við bankann. Bankinn er aðili að viðmiðum Sameinuðu þjóðanna um ábyrgar fjárfestingar (e. UN PRI) og er hugað að ábyrgri fjárfestingastarfsemi innan samstæðunnar.

Bankinn stendur vel að almennum stjórnarháttum og viðskiptasiðferði og áhættan er metin minniháttar þar sem fjármálafyrirtæki á Íslandi starfa undir umfangsmiklu regluverki og eftirliti. Mikilvægur áhættuþáttur fyrir atvinnugreinina er upplýsingaöryggi og stýrir bankinn þeim áhættuþætti vel og hefur hafið vinnu við að innleiða ISO27001 vottun um upplýsingaöryggi. Bankinn hefur innleitt UFS þætti í mat á aðfangakeðju sinni og stendur þar framarlega í samanburði við markaðinn. Arion banki hefur sterk tengsl við samfélagið og hefur sett nýja styrktarstefnu sem leggur áherslu á heimsmarkmið Sameinuðu þjóðanna. Vel er staðið að mannauðsmálum innan bankans og mælist starfsánægja áfram góð. Hugað er að umhverfismálum í innri starfsemi og bankinn hefur bundið á móti losun vegna eigin starfsemi með óvottuðum kolefniseiningum. Niðurstöður endurspegla mat Reitunar um að Arion banki sýni mikinn vilja til að gera vel í sjálfbærnitengdum málefnum og hefur náð góðum árangri. Hann þekkir þau áhrif sem hann getur haft, samfélaginu og umhverfinu til góða og er bankinn gott fordæmi fyrir íslenskan markað.

SAMANBURÐUR VIÐ ÍSLENSKA ÚTGEFENDUR

Arion banki er vel fyrir ofan meðaltal í öllum flokkum í samanburði við aðra innlenda útgefendur sem hafa farið í gegnum UFS greiningu hjá Reitun en þau eru um 35 talsins. Meðaltal markaðarins sýnir heildareinkunn sem er nú 72 stig af 100 mögulegum, flokkur B2. Arion banki fær 90 stig sem er mesti fjöldi UFS stiga sem Reitun hefur gefið að svo stöddu. Er bankinn í flokki A3 ásamt þremur öðrum rekstraraðilum.

Fyrirvarar

Við gerð þessarar greiningar og mats á umhverfis- og félagsþáttum og stjórnarháttum (UFS), er gengið út frá því að þau gögn og upplýsingar sem Reitun hefur fengið aðgang að til skoðunar séu sannleikanum samkvæmt og ekki liggi fyrir frekari gögn. Hafi Reitun fengið afhent ljósrit af skjölum gengur Reitun út frá því að þau séu í samræmi við frumrit viðkomandi skjala og ekki hafi verið gerðir neindir viðaukar eða breytingar á þeim eftir á. Þá er gengið út frá því að allar undirritanir á skjöl og samninga sem Reitun hefur fengið aðgang að séu réttar og skuldbindandi fyrir félagið.

Þær skoðanir og spár sem hér koma fram eru byggðar á almennum upplýsingum og mögulega trúnaðarupplýsingum sem Reitun hefur undir höndum þegar matið er ritað. Helstu heimildir eru ársskýrslur og ýmis gögn frá þeim aðila sem verið er að meta, spurningalistar, samtöl og fundir auk aðgengilegra opinberra upplýsinga sem birst hafa í fjölmiðlum og á öðrum vettvangi sem félagið telur áreiðanlegar. Reitun ábyrgist þó ekki áreiðanleika eða nákvæmni upplýsinganna og ber enga ábyrgð á áreiðanleika upplýsingaveitna sem stuðst er við. Upplýsingar í umfjöllun eru einungis birtar í upplýsingarskyni og þær ber ekki að skoða sem tilboð á neinn hátt og þær skulu ekki nýttar á þeirri forsendu að um sé að ræða ráðleggingar vegna fjárfestinga í fjármálagerningum. Fjárfestar eru eindregið hvattir til að afla sér sjálfstæðra ráðlegginga eigin ráðgjafa áður en fjárfest er í fjármálagerningum, s.s. vegna lagalegrar eða skattalegrar stöðu sinnar. Reitun og starfsfólk Reitunar bera ekki ábyrgð á viðskiptum sem byggð eru á þeim upplýsingum og skoðunum sem hér eru settar fram.

Þrátt fyrir að þess sé sérstaklega gætt að upplýsingarnar séu réttar og nákvæmar þegar þær eru settar fram getur Reitun, eða starfsmenn Reitunar, ekki borið ábyrgð á villum. Mat á upplýsingum endurspeglar skoðanir Reitunar á þeim degi sem þær eru settar fram, en þær geta breyst án fyrirvara. Hvorki Reitun né stjórnendur eða starfsmenn félagsins bera ábyrgð á beinu eða óbeinu tjóni sem hlýst af upplýsingum sem finna má í þessu mati eða dreifingu slíkra upplýsinga.

Sérstök athygli er vakin á því að áætlanir og spár geta breyst fyrirvaralaust á jákvæðan eða neikvæðan hátt og eru háðar utanaðkomandi óvissu og breytum sem gjarnan eru ekki á valdi Reitunar. Reitun og starfsmenn félagsins taka ekki ábyrgð á því ef að UFS mat einstakra útgefanda sem félagið hefur metið og gefið einkunn á breytist. Reitun ábyrgist ekki að gera breytingar á þeim upplýsingum sem birtar eru í skýrslunni ef forsendur þeirra breytast eða ef í ljós kemur að þær eru rangar eða ónákvæmar.

Reitun, starfsmenn Reitunar, stjórnarmenn eða aðilar tengdir Reitun kunna að eiga hagsmuna að gæta varðandi einstök félög sem greiningar, verðmatsskýrslur og annað útgáfuefni Reitunar lýtur að hverju sinni. Hagsmunir kunna að vera ýmsir t.d. sem hluthafar eða ráðgjafar, eða hagsmunir sem lúta að annarri veittri þjónustu. Möguleiki er á að útgefandi verðbréfa sem metin eru greiðir Reitun fyrir þá þjónustu. Öll greiningarvinna eru engu að síður unnin sjálfstætt af Reitun.

Reitun á allan höfundarrétt að upplýsingum í skýrslunni. Óheimilt er með öllu að dreifa þeim upplýsingum sem finna má í matinu eða nýta þær með öðrum hætti án heimildar Reitunar.